

自在村人藏

攸縣志十



生員廣額記

鄧世讓

學校者人才所自出國學萃天下之才郡縣學萃郡縣之才將使通經學古明習當世之務固非徒爲是限額已也國朝雅化覃敷郡縣生員之差一沿前代之舊伏讀

欽頒學政全書立法周詳爲教優游列黷序者宜爭自濯磨以

仰副樂育又非徒爲是備額已也攸爲長郡屬邑前代列甲科數十人膺鄉薦近百人皆起自鄉學後先輝映

國朝順治戊戌則有余曾大父永芳以廩膳生爲長郡甲科先聲涵濡旣久英俊彙生陽羨蔣公慎齋督學三楚按試長郡月十二成兩秀才之口則攸學生員陳桃文單羽

臣實名動湖湘嗣是劉來垣出湘陰學歲貢歐陽廷燦由
醴陵學選貢蓋應童試者歲數千人縣學十五名外撥入
府學又間撥入他縣學於時文風之盛槩可想見雍正三
年

詔天下郡縣學文風寢上者各廣額有差於是邑紳朱世榮
以攸學額可廣具呈督學督學校攸士佳構如林乃廣額
五名而向之入十五名遂定爲二十名論者謂一時文
風協應亦由朱君發其端也蓋自廣額以來由雍正癸卯
至乾隆甲戌三十年中列甲科膺鄉薦者數十餘人趾美
蜚聲洵未艾矣是故廣額者他邑所同而不徒備額以循

名而責實則在乎一邑之師友淵源講貫討論廩廩守鄉
三物之教不稍涉華虛輕詭之習由是成德達材處爲通
經之士出則爲有用之儒濯磨以仰副樂育斯其庶乎昔
聖人之垂訓也曰博學於文曰行己有耻自一身以至於
天下國家皆學之事自子臣弟友以至出入往來辭受取
與之間皆有耻之事蓋嘗三復亭林顧氏之言而信其不
可易也吾攸人士果抑志弭節而體驗於斯則額廣而教
亦因之以廣道德之歸其有日矣否則以備額爲美名於
樂育之意何與焉余故記之以聞揚朱君之盛心卽以爲
後之刊黃序者勗乾隆丙子仲春月望日

重遊泰華山記

劉玠

攸北之山最高者惟甘棠以其色與雲霧降雨澤爲一鄉之望然峻峭險仄不受輪蹄故遊屐罕至惟泰華山支分甘棠地接萍醴橫亘三邑特出衆山之表周迴十數里左有天平寺苦麥庵右有玉泉庵金華觀皆在其麓東西兩徑石路盤亘古松交蔭一步一級且上且望所歷愈高所望益遠東顧甘棠巖湖排青列翠南望香山司空隱現出沒西眺五鳳天花青碧環繞如湧如浮北瞻仙居會真攢翠聳拔似拱似揖俯瞰近山蜿蜒森羅如在衣襟間時當春日草樹之葩爛然禽鳥之音不一長夏之交茂樹叢密

薰風來拂秋冬之際六宇澄清萬里一碧登臨長嘯意愜心融自覺塵念頓息尤可愛者霞日映照散暉耀彩烟嵐連綿若斷若續暮鼓晨鐘時與近山鳴吠之聲相間深夜月明淡烟霏霏湛露瀼瀼山容肅穆萬籟無聲於斯時也四顧茫茫幾不似人間世矣若夫陰雨溟濛四山昏暗蒸蒸雲起若吐若噴衝笑奔逐倏晦倏明千態萬狀不可名擬古刹在上諸像森嚴足起人敬丁卯歲余與劉君若虛南村三四人讀書山上其時虬松古樾輪囷離奇佛殿禪堂黝聖光潔誦讀之暇恣意所適或眺望於峰頭或雜坐於冰間倚長鋏而笑傲舒胸臆之浩然洵樂矣哉今若虛

南村皆迤矣余亦幡然而此山擅東泰西華之名歸然長
存景仰彌切爰借兒孫緩步重遊恍覺昔日之勝賞猶歷
歷在目不能不因境而有動於中矣乾隆癸卯九月六日
記

水利類

新修霖陂記

乾隆乙未夏維典

霖陂故土築源出山谷中爲西鄉小溪之一十數里出平
原至陂處右岸有小阜左爲高田中有隆起處瘦且長形
若鵝頸夾山緣溪爲陂內圳道所由始過平田迤邐而下
數折爲大泊泊亘一里瀦水注南田隴長一里許橫倍之
自大泊上稍東折爲鴉圳蔭東岸田大泊中築小埧下有
圳東向旋折而南兩里許爲洋深泊自洋深泊稍東入水
斗泊蔭台上董家洲等處自洋深泊右平灑人田濶數里
長四里直下茅坪橋止每當春夏交無雨負土塞溪引流

入鵝頸循陂故道達兩泊迺折迺漑農迺無憂顧以暴雨
溪漲土輒潰旣成而毀毀而復以如是者再力亦少殫焉
且屢經衝決兩岸欲動搖鵝頸幾莫能固斯其害爲最鉅
乾隆三十四年先父與從叔協中始議石修未成而先父
見背越三十九年從叔協中迺獨任族祖國器佐六事入
山伐石石若干每長五尺厚尺有半寬如之旣具石天迺
大雨陂口夙土淤漫盡剗去隱然而深清見石底迺磨凸
磋痕翔石平鋪犬牙錯制慮石橫且礮迺直眠石沒其稜
模層紮而上長數丈度與水平石三匝伸縮如級以殺水
勢兩傍起石臺衛岸中濶數丈爲水門以洩水鵝頸之首
亦琢石爲嘴水至如分迺不撼無雨時障水門水汨汨鵝
頸灌陂圳而下旣溢水門迺啟餘流仍循溪道去不爲陂
害一啟一障力不勞而費較省先是始計議慮功浩按漑
田若干畝量高下出錢穀有差工竣具酒食賽神鐫碑紀
事因系以銘銘曰農歌於塗負耒呼舞婦子嬉嬉迎門笑
語昔也土築時菑時害今塹以石誰其奔突春耨夏耘桔
槔可已場圃旣登亦犁秋水飯牛而耕三時燕喜陽開陰
閉田功是舉樂成且易莫難慮始唯一二人力旣勞止不
紀厥功何以勸世

石陂記

嘉慶壬申

陳世棟

攸西有水曰陰山江由江口汭洄而上分二源一清一濁濁流上又分二源源小而陂稠清流源大而陂無有也非無陂也陂之名存實亡虛懸其名而不及修復者多矣清河二都之交有何家潭爲清流寔廣之區山舒水緩由潭左岸迤邐而下地執夷曠甫田綿亘濁流之水貫其中隴之上下因以是爲鴻溝之界古有陂名浪石由何家潭障水入圳溉注上下隴田數千畝今兩岸尚名陂湖坡陂腦上濁江渡水置規處尚名上規下規圳道雖湮故跡猶存浪石陂之由來洵信而足徵矣廼者修築告成兩岸五磴方石層累截然嶷然作鎮于斯將仍其舊名恐於義無當


也因彷彿古人改洛從維之例去偏旁之水並改良爲良而以良石易浪石之名焉其在易曰良其限又曰良爲山是陂之成五磴森峙兩岸壁立磴磴峩峩穹隆盤踞於下游其瀦水也若止於甌注於孟委練平鋪而清流瀾瀾也若內爲隩外爲鞫重厓作障而回流汪汪也其曲折紆徐灌輸畦畛之間若澁之反入漢之大出長源廣潤而無虞黜盡也揚泉云土精爲石張華云石流精以生水夫石以止水卽以生水惟止而不遷乃生而不墮良石之取義大矣哉於以幸吾鄉之成是陂爲不偶而陂之膺斯名爲不朽云

勝塘陂記

知縣張健分水

攸之爲邑北有泗汾河會淥水入湘東有羅浮江會淥水
歷陰山江過草市亦西入湘中間田處高燥則多穿旁渠
渠中之水仰給於江江流淺洩不能上渠土人往往橫截
江面槌之木布之薪寘之土石築陂蓄水俾由渠達畝雖
旱不涸亦古溝洫遺意也物都有塘陂其渠之開鑿始於
宋代計所溉龍翔橫橋村之田數千畝以其渠高陂堵如
塘故名塘陂春夏之交溪水暴漲陂爲衝潰致渠中乏水
桔槔莫施居民苦之乾隆丙午秋本境義士董崇欽尹鳳
玉劉海顏引年蕭聲萬王廷望劉湘南董建文唐天中

董德拱倡議擇塘陂上游地名沙旺增開新渠二三里因
中隔石山力鑿而深濶之分導錠青潭之水由沙旺新渠
納塘陂舊渠順流而下氣勢沛然溉田至四千餘畝歲可
三莩計費雖逾千金而利賴無窮因更名曰勝塘陂當建
議之初有龔王文三姓田當其衝初不肯售奉憲批到縣
勸諭三姓樂從領價買田爲水道而工築以興夫舍舊圖
新以成一勞永逸之計非心精力果者不能自茲以往甌
窶汚邪歲書大有共有盈寧之樂永無旱暵之虞倡首之
功誠不可沒而凡慷慨好義以襄盛舉者胥可嘉尙也爰
點筆以紀其實



原件短缺

新建育嬰堂記

知州攝命 邑令 俞 鏞 金 賈

事有經始於數十載之前而名存實亡遂至甫築旋圯者
事有觀成於數十載之後而循名責實可期衆善遵守者
其時若有待其人亦若有待則因也而實創也余以嘉慶
戊寅春仲攝攸篆下車巡城垣見西永寧街有育嬰堂匾
額宅舍爲墟詢之知爲雍正十三年肇建旋圯於水者七
十餘載矣余惻然曰此乃保赤要區顧名思義是誠在我
豈特爲修舉廢墜之一端而已哉遂捐廉爲之倡維時邑
紳廖文瀚等毅然任之督修歷寒暑是冬堂廡落成余爲
書誠求保赤額其楣復先捐貲爲收養嬰孩隨時查驗以

考其實旋有邑紳陳文漢尹高鵬等倡輸田租以善其後
今春添建乳房爲乳嬰之所卽詳議章程期與諸君子奉
行不怠邊屈邑乘甫竣邑之人請爲記以示來茲夫產子
與犬產女與豚越人生聚之謀不可爲典要也子名賈子
女名賈女漢代困貧之區未可以槩論也方今

帝治恬熙羣生茂育凡屬幼孤咸克遂長惟考志載溺女
一節攸俗不免猶懼蔀屋窮簷不無故天之命則育嬰之
堂尤不可缺自上飭建爲仁政自下奉行爲義舉固司牧
者所當循名責實以宣布愷惻也攸有是堂垂七十載向
使昔日善士顧名思義經畫合宜何至甫建旋圯今且遲

之又久始克定其規模以求實效而期久遠則待其時實
待其人亦若有數存乎其間余所爲惻然念皇然思而復
惕然懼者以此繼自今攸與之壤永寧之街爲保抱與區
爲顧復淨域是在諸君子之實力奉行與來者之共襄義
舉耳考之於昔其事爲因垂之於後其事爲創爰據事書
之其章程另有詳記茲不復贅

詳議育嬰堂章程記

知州攝
邑令 俞 鏞 金匱

天地之大德曰生先王以不忍行政王制垂殺胎妖天之
戒月令頌存孤養幼之文均焉憂長秋成忍聽朝生夕死
而或娠從玉卜胎與珠含業經夢叶虺蛇奚弗生貪蠖蟻

乃胎衣甫脫方寢地以呈祥而澤國旋投竟呼天而莫救
秉心維忍援手何從固行道所爲嗟傷亦入井同其怵惕
此育嬰堂之修所宜亟也

皇上恩周廣漠澤被垓埏憬猶病之虛懷軫如傷之至意
一時守土之君子種德之士夫莫不赴義爭先承流罔後
示刑人殺人之戒通生我育我之心同建福林並崇仁宇
本州梅城攝篆花縣行春哀此不屬不離之餘大發救苦
救難之願爰考工而改作特捐俸以加修自在鳩工遑言
燕息尤幸宰官喜拾長者發心各量力以輸金等爲功於
種玉烏雛鵲子如居廣廈千間烏草翬飛勝造浮屠七級

斯固羣生之有豸免教弱息以其魚已然而善作善成所
宜盧之于始也有興有廢尤貴持之于終也必定章程庶
知遵守饘粥之供凡幾絮帛之費若干續命田腴謹歲時
之出入通塲米積程時月以支勞行見楚穀常酣楊歧罔
棄慕賈彪之德民鮮遺孩高汜毓之風兒無常父是長民
者所厚望邠都人士之令名也夫

攸縣志卷五十

知縣事

建水趙

仁和萬在纂修

典籍

大雅扶輪前修圭臬名山著述蓋其難矣是故執經之心堤傳之要微言箋疏與旨洛閩湖厥師承諒資研討其他澧蘭抒嘯沅芷含毫上薄風騷下該沈宋餘音未歇雅道斯悠邈矣前英卓哉後彥為編為帙或佚或存彙而錄之不遺雜著志典籍

瑞麟集

宋太學博士彭天益著

佚

詩散見一統志及郡縣志

海粟集

元集賢待制馮子振著

佚

賦散見元文類

詩散見元詩選郡縣志

梅花百詠

馮子振與中峯禪師唱和所作今入國朝四庫書目

方伯詩集

明北平布政司彭友信著

存

詩散見明詩選郡縣志

浯池文集三十卷

明翰林檢討易舒誥著

原本佚

今續刊止八卷

雲陽張龍湖序畧曰西泉先生仙才也其文仙筆

也天機迅發不煩繩削而自合在詞館八年梁文

正公稱其文重當時筆驚風雨洵不虛也

桐山文集

明兵部侍郎王偉著

佚

桐山詩集十卷

王偉著

存

入國朝四庫書目

明湖廣按察司李敏序曰侍郎王公士英既歿之

三年其弟鴻臚序班傑以公生平所為詩文分為

若干卷將銀梓以傳謁巡撫湖廣都憲吳公求為

引首余到官未彌月都憲召而謂曰汝掌憲湖湘

一方名宦在所當知侍郎王公蓋其一也公不可

見所可見者詩與文耳文集吾已序其首詩集未

有引子宜叙之余取其詩閱之見其寓意幽深寄與高遠英辭傑句真能追迹古人而又得其性情之正豈若騷人墨客吟風弄月以聯句爲奇以對偶爲工無補於時者所可擬倫哉雖然未必無所本也書曰詩言志釋言謂在心爲志發言爲詩人有志必形於言形於言而渾厚和平不失其正非詩之謂乎是詩與志原非二物也公之詩於今始見公之志素所習聞何者公爲亞鄉時余始登進士拜御史隨侍於朝非一日矣公之行事目覩其實凡謀猷之出納可否之獻替無一而非忠愛之所發其堯舜君民之志蓋已見諸行事宜其發於言者不求奇而自無不奇不求工而自無不工也

公之志節見於詩文公之功業則傳諸信史後之人因詩文以求其志節之大因信史以考其功業之隆則公之爲人可知其槩矣

老葵集 明南京應天府通判彭澤著

存

玉堂聯句

彭澤與茶陵李東陽聯句近二百首爲別錄今其詩存者無多

東洲文集 明廣西參政龍誥著

廬陽荒政錄

龍誥著

俱佚

其奏疏三篇議一篇見邑志藝文

嶽麓書院志

明歲貢掌教嶽麓陳論輯

佚

提學秦和陳鳳梧序見邑志藝文

邑檢討易西泉題辭曰余讀嶽麓書院志而嘆古人之嗜學也文公訪南軒於嶽麓講中庸已發未發之旨三晝夜不合余竊怪之因究其始末初文公以人生自少至老雖有動靜語默之異然大概莫非已發特其未發者未遽發耳以爲中庸之道不外乎此後取程氏之書玩索乃曰通天下一

天機流行發用無間據其已發者而指其未發者則已發者人心未發者性初無一物不脩渾然全體如川流之不息此所以精粗本末洞然無一毫之間而鳶飛魚躍觸處朗然也乃復以書謝南軒則不合者終未嘗不合後之學者玩古人之書體驗於身心以求實得因人以達乎天自近以舉乎遠則古之聖賢所望於後之學者道在是矣提學秦和陳公鳳梧孜孜以崇正學爲務慨茲教化本源之地顧未有志謂攸士陳論學識端敏屬輯次其書論自幼奇拔志古之學不事舉子業觀其書

可見其概自是楚士一觸其機當翕然興起矣

觀瀾文集 明工部員外郎譚縉著

佚

德馨堂集二十卷 明四川榮經知縣譚應夢著

存

邑人洪化卿序畧曰譚子宗疇以其尊人起巖公逸稿示余余讀竟而嘆曰公生平未嘗以文示余今盈帙若是公得無意乎公蓋謂人生止有存沒二端而存沒又止有文行二端當其存則重在行無畧刻而可離行當其沒則遺在文無隻字而非

行其文存其行存則文又烏可廢乎公之行不媿乎其文公之文不溢乎其行余知之甚悉而不能瑣述也以俟讀是刻者不知其行視其文可耳

易說評駁三十六卷 廣東按察使洪雲蒸著

佚

紫雲文集 洪雲蒸著

存

豫章吳雲序畧曰攸邑洪紫雲先生與余大父同受業於安城劉瀘瀟徵君之門今醜享徵君於復禮書院生於楚而祀於吳豈偶然哉徵君之學傳

釋之益信葉相之言爲不誣由是恍然於涉世之方卽孔孟濟世之道凡一切應酬語言文字一秉於孔孟之權與時而不以私意參乎其間所謂駢語尺牘使少不更事迂濶之士見之無不唾且斥也而予固自信其無他矣天啟乙丑予出知廣州從侄起莘曾遊門以詩翰名於時時聘爲館賓課於運甕齋每以啟藁屬書莘謬存笥以梓請予曰應酬文字寒暄而少義理則人以爲誕過與則人以爲諛訐直則人以爲刻至所交遊之人偷行於末節則復疑比匪有此四者天下深心人無幾必不能見諒於世豈可梓傳之書乎因述涉世投世之道有如此而余族子知求爲有用真儒當三復於葉相臺山之言矣姑書以弁之

衡麓秘錄

明大理寺卿劉宏化著

佚

天關居學錄

尙書問

崇正新語

明光祿寺大官署丞陳惟順著

俱佚

惟順師事湛甘泉兼與羅念菴鄒東廓張龍湖友善著述頗富惜散失無存

廣輿道聽日記

明諸生陳懷著

佚

懷工詩古文著危平二詞爲時所重後遊大學所交多名宿如侍郎何吉陽少

鄉江冕督學劉宗道嘗實禮之平生留心經濟自邊防兵屯關隘形勢研討有日輯成此書惜散失無存

兩餘堂文集 明副貢陳五鼎著

序文存邑人劉友光香山草堂集中

皇清

香山草堂文集 香山草堂詩集

懋嶽堂詩畧在內

香山草堂續集 南園雜述

胥抄 在續集內

批註李西涯擬古樂府 以上沙河縣令劉友光著

俱有

香山草堂自敘胥抄曰少不喜為制舉文士讀書

非由此無以呈身父師輒督之未能免俗偶涉筌蹄一舉遂合後廼留意聲詩學為古文辭冀有身後名耳中遭不造非亾命江海即逍遙幕府既無良時可供伏案又不多得異書以供採綜水激不漪木枯無陰自然之勢子雲雖好奇不進觀石室之書終於蹇吃而已即稍有造作墻壁委之烽燧又散焉途窮已久沾祿畿南地又衝寒日委頓於負弩何戈衣焦不申頭塵不去安有餘情望歲於硯田耶間為應酬迫促亦不能中輟小胥竊抄之南有舊役刻工羸滕而入時已冬矣殊有寒色予

甚憐之若自在窘隘中強出少許應付署甌塵凝
愧不能爲賣菜人增益其有闕民情甘苦條議上
聞者恐觸喉失檢皆刪而不具嗟乎仲連箭頭之
書可解人數月圍城元微之每奏一篇外國宰相
至以百金易賈人王逸少書六角能令市貨競價
過官人得石田畫菜一本遣王爵遂擢銓曹古人
詩文書畫其爲人緩急如此予文不遇僅爲鬻技
者謀一衣食不足工曷遷其業工曰予旦暮能事
於此亦猶公之於文窮有固然又何遷焉

南州朱徽懃嶽堂詩略序曰三百篇後離騷繼之
後世儒者尊之爲經實詩之嫡系也夫子刪定十
五國楚獨無風說者以爲外楚非也自衛反魯在
定哀時離騷作於楚懷襄之世相距百餘年夫子
未之見也使見之其取而筆削繫十五國後豈獨
在小戎諸什次乎予渴想江漢流風久矣今冬浪
遊沔陽見有方脫庵胡定庵黃公朗三人皆善言
詩大約從竟陵後別開一徑力還大雅之音不欲
以淒清刻峭滋人口實及沂洞庭稅星沙又得交
攸水劉子杜三一日以懃嶽堂詩略見示颯颯乎
騷雅之遺響也其五七言古體蒼鬱奧衍駕六朝

而駸駸漢魏近體五言則婉麗入摩詰之室沉著
登少陵之堂七言清新警異無刻畫之痕而興致
悠然甚哉楚固多材此其砥柱者乎今世好訾議
竟陵請以杜三諸君子折之其張楚者豈特區區
聲調已乎杜三早受知余友吳梅村文名藉甚上
計赴長安交遊皆天下鉅公而行誼甚高至性純
孝事其母陳太安人終身孺慕每旬壽海內鴻儒
祝嘏述意熊漢陽楊清江劉文節之文具在卽杜
三擇交信友反身而誠以事其親者可知也至於
經涉多艱遜遁行歌娛哀於沅芷澧楓之間得騷
人之旨而不襲其跡皆出於性情之正所以爲四
始六義之宗也杜三又間取李文正樂府詮釋標
旨觸類引伸如向秀註莊自成一家能令風雅得
所尤篤於友誼讀不無道人傳拳拳以旅櫬爲念
大雅不作吾衰誰陳何幸見吾杜三也所著古文
詞甚富今此詩略不過緒餘云耳見池水而知寒
嘗一嚮而知味卽此已足繼十五國稱楚風誰謂
刪後無詩乎康熙戊申季冬月

環山文集 明經蔡來蘓著

佚

邑人陳桃文先生曰眉人好爲古文辭散見別作
與時文爲左右廣世有把玩傳註握麈高談自以
爲戴憑賈逵王肅諸大雅記室眉人則腐之又
有粗涉四韻婆挲詩賦之堂壁隙蟋蟀其聲瑣碎眉
人則奴隸之其嗜古如居奇其文優游蘊藉如張
良久在兵間不失儒者氣象

月麓堂集 明經蔡來徵著

存

餐英園文集 明經洪如蒲著

佚

島孫文集 明經陳之駉著

存 原本已佚宗後學杰搜輯成編雖非原本
然殘膏剩馥尙可留傳於後卷首有督學
仁和李寶幢先生序文見藝文

邑人劉南村跋曰島孫翁於書無所不讀其議論
多與人殊其中實有所見惜其稿散佚爲人改竄
此老之學人不易知遂疑其崛強不知不崛強不
能成此老也陳子思邁不沒前人苦心將以廣傳
於後於是集亦已勤矣余謂此老之學皆其自得
者也所望於後人者亦貴其自得也夫前人相餉

即在當人之心孟氏有言於此有人焉當時承學之詞也有志責可追哉

島孫別錄

陳之騷著

佚 其畧具邑人陳春江太史書島孫記後篇

中見藝文

獨秀軒詩集 諸生胡作傳著

存

擊空吟詩集 縣丞彭廷梅著

存

淇園世帙

副貢陳五聚諸生陳履謙
諸生陳蔡舉人陳其叔

四世合刻詩集

存

陳春江太史序曰徘徊邑東郊池塘綠注春草團
碧迤折而南白沙彌望江環如帶綠岸徑曲石偃
臥層層聚足連步曠然坦夷樹木交蔭鶯聲上下
繚垣標竹敷紛扶疎如續畫凱之譜中遺意即曩
傳淇園者是余族伯史占史占子天放天放子蘭
洲蘭洲子泰初萃於斯饘鬻於斯矢詩不多是吾
家事逝者存者肆好四世族伯胚胎醞釀醇醴乎
其有味少陵歎堂上發倡遺音三歎叩之往往清
越以長天放兄自此遠矣蘭洲宗法昭明陵厲清

浮顧眄萬里庸音足曲拂衣而起泰初枕經薛史
閉戶彊記過庭受學廩廩庶幾噫嘻伯父兄已矣
蘭洲辭世數更寒暑痛念前修警策晚進編輯梓
成泰初尸事以已附益彰美傳盛大雅扶輪心寫
褒許余也兀若枯木豁若澗流何能應泰初元晏
之委然尋繹吟玩撫覽扼腕正以暮春三月隨時
景光到處名園花氣爛漫誦詩人之清芬與名花
迺相和應而邈然含毫澧蘭沅芷思公子兮使余
情又曷能以窮極乾隆己丑穀雨前二日

怡文堂文集

明經蔡合天著

佚

讀中庸一卷

副貢余澣著

存

一柳堂詩集

諸生洪圖成著

二柳堂詩集

諸生洪圖南著

俱佚

經疑三十卷

明經劉林青著

邑人陳春江太史曰南村古經洽熟毛氏十七史
鈎校點勘九變復貫大易卦變互卦有心得余偶
聞談一二爻便驚歎奇驗又著洪範傳未成詩晚

歲學擊壤實未敢謂爲然有樓曰宜稼茶陵彭石
原大司馬所署近世士大夫襲虛名實力窮一藝
者卒抄倍誦自文註解於專經全本竟寥寥南村
誦書必求熟熟必默寫不擇紙大司馬每稱南村
腹有積書信然 經疑一書向未刊布今詢之宜
稼樓竟未得見容俟搜訪

蘭洲雜編

諸生陳葵著

存

是編刻於浙西觀察陳學田署中

如如經解

陳葵著

佚

湘筠閣詩集

進士王純鏞著

存

滄蠡草經疑

望瀛軒詩集

諸生陳述遵著

存

鱸經堂詩集

諸生陳述祥著

存

春江文集四卷

春江詩集四卷

杓稿二卷

雙江別稿 存

以上俱翰林院檢討陳夢元著

孝昌胡紹鼎春江文集序已見藝文

昆明錢澧春江文集題後曰前輩春江陳先生編次所爲古文定本八十餘篇丙午臘月持以示澧計先生林居十有餘年不撓事物事物亦不得撓之耑力教授學徒以著述爲楷模日鍛月鍊不主故常古所謂與年而俱進者豈獨以其識哉其聲音色澤亦且與之俱異如良木之在深山經歷百千歲其輪困盤魄鬱屈支離有自極其所之而非可意爲之妙亦不獨以堅實彊韌無復滿溢槁暴之患爲能也嘗侍先師胡牧亭夫子京邸先生過之獲陪笑語輒蒙眴睇歲月忽忽先師遂已下世

於今見先生如見先師因敬識數語卷末俾讀斯文者並得知景仰之所自焉

天放山人文集

諸生陳履謙著

佚

鷺溪吟草

舉人文自奎著

存

秋水山房詩集

明經陳圭著

存

秋水山房自叙曰余年十二三卽喜韻語先子督責之以妨於制藝也然自漢魏六朝及唐宋以後

諸家流傳名篇竊取夜誦至忘寢寐興至所作紙墨遂多若有所甚樂者同里王念亭先生見而獎進之爲之指授源流研究聲律期於有成嘗云詩者乘元氣而出渾渾灑灑或短或長有自然之音響節族大海迴風波瀾自湧春雲出岫舒卷自如故感於物而有言言之足以感人乃有合乎風人之旨則取向之所竊誦者潛心靜氣摹神於咏歎之餘索味於酸醜之外淵乎微乎抑又苦矣至弱冠後硯食四方與當代雄俊君子上下其議論終無易吾念亭先生之言然其開誠相與摘瑕抉疵則攻錯之資余之受益於友朋者亦不淺也今年已七十餘矣鬢髮如絲精力衰耗而所存者僅是敢云問世哉亦以見此事之難人之才力天實有以限之河伯望洋有不得不旋其面目者秋水所至固小甚也少陵云古人不可見前輩誰復繼吾於茲每三歎焉

四書人物廣義

易經句讀

詩經音訓

存

選拔貢生余世本著

余存吾太史四書廣義序曰學莫難於研經昔漢世經師遞相祖述晉宋以下博雅宿儒乃會粹貫

通焉自唐正義行申一家之言而通經之途狹自
明大全行爲科舉之式而通經之途愈狹昔人所
論洵有慨乎其言之也吾楚經學家近代莫著於
京山郝仲輿氏有九部經解論孟居其二又有經
解緒言四書攝提四書雜言共一百八十九卷其
自序攝提曰聖言猶斗杓也奉聖言以昭布天下
萬世咸正罔缺猶攝提也然則非通羣經不足以
通四子書審矣今家習戶誦訓詁日新將總攝羣
言提轄百氏寧惟是師成心銳偏解哆口談經云
爾哉余讀攸水宗人道生先生四書人物廣義一

書竊歎其宿疑解駁新益空涌膽勇於仲輿氏之
後卓然爲吾楚研經儒也其書由經以推之史旁
及羣籍由注疏以推之諸儒先緒言下逮近世撰
述博綜貫穿務得事實以求真是讀之確辨之核
諦確弗核雖大儒之論必引伸條析之吁綦難矣
此惟無斷續於稽訛棗几孤篋寒神琢骨其確且
核卽起仲輿氏於九京富首肯心折也豈類夫事
無寔証虛理易差者乎是書卷帙浩繁原名人物
彙攷尙似摺據經傳僅供舉業資糧則明儒薛方
山四書人物攷用紀傳體已先之矣他更何論爰

易名廣義以諭世之能讀是書者

音訓自序曰誦詩三百未有真能依韻成誦者矣坊刻紕繆太甚或誤音爲叶或誤叶爲音或改反切而妄音某字空注某聲或去本句中音叶而移置割裂不成文理致使字音不明字訓俱舛大義乖隔不通絕不知其所自起則坊賈僧胥之爲之也近世明達之儒斥此爲非朱子之書歸咎於其門人有謂朱子之門斷無是事是因朱子所未完而他家增竄之者又有通融其說去彼取此自伸已見者愚皆疑之蓋經學莫盛於今日今天下奉

頒傳說彙纂則必朱傳真面目也蓋嘗從事於此乎何緣盡人猶執贗亂之坊刻以訾議前儒特叶音亦多有不可解者自周初以至東遷迄乎春秋中葉爲時久矣况復有商頌在前自君卿大夫以至思婦勞人懸絕無算何以風雅正變類舍字本音而惟叶之從古之人無周沈以後韻書也又何以云叶竊謂古之正韻卽今韻可直通之六部也今之人但曉今韻則以今韻之通求古韻之正未爲不是其間不容不叶者百之一二雖叶而意義可通方音適合者又多但使不改字而不致聱牙可諧

聲而不昧本文則得矣癸丑甲寅間由朱子書中所嘗用通韻及隔句押韻之法依類參稽舉坊刻悉掃清之然猶未敢以課兒曹今春至宜邑與濟源衛侯嗣子共硯初入學宵雅肄三卽標韻以示次第重點又別爲簿略記改讀字音九月生偶嬰恙僕恥素餐於是覆紬繹取新帙撮書上方丹墨陸離留以爲生讀本書就而生恙亦愈蓋音韻淵微非僕僻陋無聞所敢知而三百篇則無人不童而習之知其當然然後能漸知其所以然冀他日行成名立助我不逮爲我刊全稿存之則相與

有成僕之志亦衛侯之志也侯洞精音律庶進而教之乾隆六十年乙卯冬十月朔書於宜章官署

瑞雪百咏 國學生蔡上舉著 存

紫金書屋詩集 存 陳惠著

清署吟詩集 存 司訓劉大章著

操心要規 脉要圖注 賀昇平著

存

右典籍一卷條例以經史子集順次彙錄自屬得體第攸邑昔賢著作唐以前無考宋元而後雖代不乏人而專集流傳到今者蓋尠若必以經史列目於前則經學

史學指不多屈一二可指者書佚不存其他兔園冊子
又不足爲不朽助今仍以世次一概差叙其犖犖大者
卽全書不存而遺文散見悉著錄俟考至近代書存可
考如某某集並入卷內其他舊入縣志及郡志各書目
照舊附註人物條內卷內不贅

攸縣志卷五十一

金石

自昔通人博物不憚握槩懷鉛儒者探奇因之居今
集古是故姑洗論鐘而協律鐸于識器而正音摩抄
瓦屑之文照耀頗黎之字莫不尋名山於福地闢蔓
草兮荒烟篆籀因剝落見珍形模以嶮奇爲貴苟可
資其探討諒不遺夫攸縣志金石

銅鼎爐 在西城關帝廟高五尺兩耳三足腹圍五
尺餘又有鐵關刀上無款識傳爲明進士劉葵所遺

知縣事

建水趙勤纂修
仁和萬存銜

重百餘勦

飛來鐘 舊在陽昇觀門外重數百鈞相傳唐時一夕飛來於此上有文字漫滅不可識嘉慶初重修陽昇觀移置殿前

銅獸 乾隆甲辰大水土人於寶都東洲墾田得銅獸形似狻猊蓋香器也上有鳳山書院大德三年八字增貢生洪品購之孝廉文自奎作銅獸歌載藝文銅元帝像 在縣署後元帝宮高六尺又靈龜峰亦有銅元帝像明萬歷時鑄

鐵觀音像 在西城古蹟城隍廟後殿高五尺傍有

侍童二亦鐵像明萬歷年間鑄屢著靈驗邑令裘行恕題額曰慈雲大陰

宋修陽昇觀記石碑 中奉大夫權荆湖南路計度轉運副使兼勸農使南陽縣開國男食邑三百戶借紫金魚袋臣程元佐撰文政和三年癸巳十月戊申朔二十五日壬申朝請大夫直秘閣權發遣潭州軍門管句學士兼管勸農事兼荆湖南路安撫充本路兵馬鈐轄借紫金魚袋臣張爲立石今碑尙存陽昇觀記見藝文

元新復黃甲洲記石碑 明茶陵廖提學希顏櫺星

門記畧云嘉靖乙巳邑令范闢城基正南爲門基啟
土不數尺得古碑三殘毀磨滅不可讀者二其一則
元至元間新復黃甲洲記也記係僉憲姚紱撰載藝
文

元普惠菴記石碑 明景泰間土人掘金仙洞地得
元學士虞伯生所撰普惠菴碑記字跡奇古依稀可
辨至今碑存金仙觀記爲道園文集所不載今入藝
文

攸縣志卷五十二

物產

知縣事 建水趙勤纂修
仁和萬在衡

地員九十厥土奚宜物草十二衰厥類奚區而別紆
行卻行之族考工記其詳庶鳥庶魚之紛鴻烈析其
解問稻何草而謂羊躡鴟博物者不識蘭與蕙宋儒
有言非好古博雅身履藪澤孰能究宣攸輿之壤土
泉疏衍林壑蒨蔥乃藝乃植以蕃以育觀實於秋翫
華於春川泳雲飛而目擊存也多識之益亦於是乎
寓焉志物產

稻

有芒穀即今南方所食米水生色白羅願爾雅翼稻一
各稔有黏有不黏今人以黏為稷不黏為秔按秔俗轉
稍遲則火炭占瀏陽占等秋黃麻占蘇州早米或紅或白最
遲則火炭占瀏陽占等秋黃麻占蘇州早米或紅或白最
是也六書故稻宜水亦有同類而陸種者謂之陸稻等名
是也六書故稻宜水亦有同類而陸種者謂之陸稻等名
是也六書故稻宜水亦有同類而陸種者謂之陸稻等名
是也六書故稻宜水亦有同類而陸種者謂之陸稻等名

高粱

似粟而大有黃青白三種又有赤黑色者一名蜀黍
春種秋收莖高丈許黏者可和稷釀酒不黏者可
作糕煮粥攸邑多種山上梢可作箒即俗云粟箒是也

苞粟

苗葉似蜀黍而肥矮本草綱目謂之玉蜀黍一名玉
高粱可蒸炒食之炒拆白花如炒拆稷穀狀
黃粟北方曰穀脫殼亦曰小米即稷粟有黏不黏二種赤
白黃三色可釀酒熬糖

鴨脚粟

一名龍爪粟結穗如粟而分數岐狀如鷹爪子母
黍而細羣芳譜謂之糝子今柵民猶間有是稱

脂麻

王象晉羣芳譜一名油麻一名胡麻一名巨勝一名
芝麻非唐慎微證類本草俗傳胡麻須夫婦同種則茂
盛故本事詩云胡麻好種無人種正是歸時又不歸

蕎麥

本草綱目集解蕎麥立秋前後下種八月刈性畏
霜赤莖綠葉結實纍纍如羊蹄實有三稜老則烏黑
色攸俗呼為花麥洲地及水田皆可種可作粉餌

大豆

本草集解有黑白黃綠青斑數色黑者名烏豆可入
藥作鼓黃者可作腐榨油造醬攸邑東山田農人三
四月蒔稻後就田墾栽豆禾熟同斂第所收無多惟自
東北轉西平原曠野及正西陰山港內於立秋前後佈
種禾根下經霜乃收倍蓰山田販運甚廣此亦邇來人
工修而地利溥之一驗也

赤小豆

王氏農書今之赤豆白豆綠豆豔豆皆小豆也羣
芳譜赤小豆紅豆

綠豆

比赤豆莢微小可作豆粥水泡磨為粉澄濾作餌蒸
饅盪皮壓索邑中所製甚精

綠豆

比赤豆莢微小可作豆粥水泡磨為粉澄濾作餌蒸
饅盪皮壓索邑中所製甚精

蔬屬 爲類三十四

韭 [埤雅]韭之美在黃

葱 [本草]葱作葱外直中空有葱通之象今俗謂之水葱

薤 [本草]薤本文作薤韭類也今人因其根白呼爲薤子

蒜 [爾雅翼]大蒜爲葫 [孫]晒唐韻張騫使西域始得大蒜初

販運湖湘亦茶攸土產之良者

蕪荳菜 [本草]此菜易起蕪採其蕪食之則分枝必多故名

蕪荳菜 [本草]蕪荳淮人謂之蕪荳芥即今油菜子可榨油今攸邑

白菜 [裕]物總論菘有二種有春菘有秋菘與蔓菁相似性

之即化爲菘今俗謂之白菜攸近多種此菜然不若星

芥 [蘇頌]圖經本草青芥似菘有毛味辣紫芥莖葉純紫又

晒乾尤佳

蘿蔔 [本草註]上古謂之蘆菔中古轉爲萊菔後世訛爲蘿

低洲及金坑者佳

薑 [說文]薑作薑禦濕之藥清明後下種五月生苗如嫩蘆

從旁掇去母薑謂之離娘薑秋社前後新芽如指其尖

番椒 [羣芳譜]一名秦椒花白子如秃筆頭色紅鮮

茼蒿 [函史物性志]茼蒿香可茹

芹 [爾雅疏]一名水英二三月作莢時可作菹及瀹食之有

茴香 [本草註]懷香北人呼爲茴香聲相近也煮臭肉下少

文系示 卷五十一 物產

菠菜

劉禹錫嘉話錄菠菱種出西國有僧將其子來云是頗稜國種語訛為菠菱

蕪菜

稽含南方草木狀蕪菜如落葵而小治野葛毒取其汁置土窖中可以備用

蕨

本草根紫皮肉有白粉擣取粉作粬糲今山坡處多有之

芋

史記貨殖傳註大芋如蹲鴟本草有水旱二種今攸邑山居棚民多種旱芋水芋則水田隨處蒔之

甘藷

臨海異物志甘藷似芋亦有巨魁剥去皮肌肉正白如肪脂南人專食當米穀羣芳譜一名朱藷一名番藷

竹筍

本草竹有雌雄根上第一枝雙生者必雌乃有筍土人為玉版筍明筍火筍鹽曝為鹽筍皆出邑東偏

壺盧

本草注壺酒器盧飲器各象其形俗作葫蘆非圓曰匏亦曰瓢丸菰屬皆得稱瓜故曰瓠瓜匏瓜匏苦瓠短大腹曰瓠細而合上曰匏似匏而肥圓曰壺

冬瓜

本草以其冬熟也然今邑中所種亦秋熟

黃瓜

一名胡瓜杜寶拾遺錄隋大業四年避諱改為黃瓜今俗以月令王瓜生即此誤矣王瓜土瓜也

絲瓜

本草葉取汁可染綠瓜嫩時可烹可曝老則筋絲纏絡可滌釜器故呼為洗鍋羅

苦瓜

一名錦荔枝一名癩葡萄

豇豆

張揖博雅豆角謂之莢葉謂之藿土人呼為豆莢一種蔓長丈餘一種蔓短邑中廣種晒乾尤佳

蘩豆

一名蛾眉豆一名浴籬豆邑人多種之籬邊

刀豆

西陽雜俎樂浪有挾劍豆莢生橫斜如挾劍即刀豆邑人以牽牛花浸水晒用

龍鬚菜

舊志司空山洗藥池產龍鬚菜日未出時浮生水面日則沒本草龍鬚菜叢生無枝葉狀如柳眼鬚長者尺餘白色博物志一種石髮似即指此物與石衣之石髮同名

龍鬚菜

舊志司空山洗藥池產龍鬚菜日未出時浮生水面日則沒本草龍鬚菜叢生無枝葉狀如柳眼鬚長者尺餘白色博物志一種石髮似即指此物與石衣之石髮同名

衣之石髮

同名

種出南番一名金瓜

龍鬚菜

舊志司空山洗藥池產龍鬚菜日未出時浮生水面日則沒本草龍鬚菜叢生無枝葉狀如柳眼鬚長者尺餘白色博物志一種石髮似即指此物與石衣之石髮同名

苜蓿稗雅有紅白紫三色莖葉皆高大而見故其字從見

馬齒莧本草葉比竝如馬齒性滑利似苜蓿故名

苦蕒爾雅茶苦菜月令四月苦蕒秀即苦蕒

萵苣本草四月抽莖高三四尺剥皮生食味如胡瓜糟食亦良江東人鹽晒壓實以備方物謂之萵筍

茄格物總論茄凡三色青紫白一名落蘇

果屬 為類三十

梅陸璣詩疏梅杏類先衆木而花其實酢曝乾為脯入羹臠藿中子赤者材堅子白者材脆攸舊各梅城不知何

有梅城之稱而詩人亦多形諸詠吟與梅城不知何

桃埤雅桃三歲便放華果早於梅李然皮束幹頗急四年以上宜以刀剗其皮

栗本草大者為板栗中心扁子為栗楔稍小者為山栗山栗圓而末尖者為錐栗圓小如橡子者為莘栗小如指

頂者為芽栗即爾雅所謂栭栗一名栭栗可炒食邑產惟山栗芽栗王氏農書南棗堅燥不若北棗肥美邑中所產亦劣

梨邑西十里河壩地名龍湖梨花最多花開時望如雪故龍湖梨花為南雲八景之一

棠梨本草棠梨野梨也處處有之樹似梨而小結實如小棟子霜後可食陸璣詩疏白棠子酸而滑赤棠子澁而酢木理亦赤可作弓材

麥李爾雅疏與麥同熟故名邑中洲地產者佳

木瓜爾雅註實如小瓜酢可食

山楨本草俗作查誤羣芳譜小者為杔子茅楨猴楨堪入藥肥大者為羊杔子

栳音士說文赤實果俗作栳非栳音肺即栳字削木片也又君遷栳之小者見左思吳都賦即今牛奶栳也

棹木名似栳漢書地理志梁侯園有八角烏棹此果雖熟青黑色擣爛浸汁可染魯扇傘笠邑人呼為膠棹

物產

石榴博雅石榴丹實垂垂若贅瘤今人家園林多植之

橘埤雅橘如柚小白花赤實

柑羣芳譜一名木奴樹似橘小刺實亦似橘而圓大

橙馬志開寶本草橙樹似橘而葉大其形圓大於橘而香皮厚而皺八月熟寇宗奭本草衍義橙皮今皆以為果待賓宿酒未醒食之速醒邑中糖晒橙片甚佳

柚埤雅柚似橙大於橘故兩同書曰執錫分銀操橙証柚柚皮極苦皮甘者乃橙耳

金橘本草金橘樹不甚高大五月開白花結實秋冬黃熟大者徑寸小者如指頭又有山金柑一名山金橘一名金豆木高尺許實如櫻桃肉止一核俱可蜜漬

佛手柑羣芳譜佛手柑實如人手指清香襲人人多植之以為盆玩

枇杷郭義恭廣志枇杷易種葉微似栗冬花春實其子簇結有毛四月熟大者如雞子小者如龍眼無核者名

焦子

楊梅 有紅白紫三種冬月不凋二月開花結實五月熟

櫻桃埤雅櫻桃木多陰其果先熟一名荆桃一名含桃許慎曰鸞之所食故曰含桃又謂之鸞桃

銀杏溫韋瑣碎錄北人稱為白果南人稱為靈眼宋初始入貢稱為銀杏

花椒陸璣詩疏椒樹似茱萸味辛香近人取以入藥可亂川椒

茱萸本草茱萸實結梢頭纍纍成簇無核與椒不同

西瓜本草胡崎陷盧記言崎征回紇得此種歸曰西瓜七月八月熟時瓜子曝裂取仁生食炒熟俱佳邑低洲白茅洲等處多種之

蒲桃漢書作蒲桃今人家折藤壓園圃中蔓引數十丈結棚架之曰蒲桃架

蓮藕季石續博物志藕生應月閏月益一節芋以十二子為衡亦應月數也蓮藕衡湘最多邑中池塘亦多有

菱角

埤雅俗但言菱菱惟武陵記云三角四角一曰菱兩日菱

芡實

崔豹古今註葉似荷而大實有刺中如米可度飢仇池筆記菱花開背日芡花開向日故菱寒芡暖

茶

陸羽茶經曰茶曰檟曰葭曰茗曰薜今通謂之茶居民闢園栽茶樹小如梔子叢生繁茂清明采者上穀雨前者次之此後皆老茗耳蒸焙修造每不如法鬻之於市以此為園茶其品劣下別以新化安化入茶行者為上

竹屬

為類九

南竹

陸深玉堂漫筆衡山後山竹最大名曰南竹即羣芳譜之茅竹也又作毛竹幹大而厚筍可作蔬幹可製器攸邑園林多種之鸞山脾山尤盛土人擣爛造紙有生料熟料二種

苦竹

蘇頌本草圖經苦竹有二種一本極粗大筍苦一肉厚葉長潤筍微苦俗呼甜苦竹疑即今之箒竹東方朔神異經箒竹子美亡瘡厲

紫竹

陳湜子花鏡紫竹出南海普陀山幹細色深紫筍苦用滾水焯之可食若炒以葷油則竹變紫為白

黃竹

本草色黃如金按黃竹小於南竹大於苦竹疏節長幹相傳栽黃竹置石板根下年久根蟠成塊掘取紋理粲然可為桌面

斑竹

羣芳譜即吳地湘妃竹按斑竹黃竹皆八月生筍

方竹

本草其節或暴或無或促或疏邑天蓬巖等處有之

實心竹

邑諸處有之士人取以為杖及秤幹

浚竹

蘇頌圖經本草甘竹似篁而茂即浚竹

鳳尾竹

羣芳譜高二三尺纖小猗那邑人植盆中以供清玩

木屬

為類二十三

松

格物總論松礪柯多節皮粗厚四時常青不改柯葉三針者為栝子松五針者為崧子松

栢

凡木向陽栢向陰指西木之有貞德者葉扁側生者側栢

文系示

物產

檜本草檜栢葉松身葉尖硬亦謂之栢今名圓栢以別側

杉爾雅被黏卽此疏俗作杉本草有赤白二種赤杉實而

樟司馬相如子虛賦其樹榿楠豫章顏監註豫卽枕木章

楓即樟木二木生至七年乃可分別卽雅枝善搖故字從風葉作三脊霜後色丹故名丹楓

椿禹貢作杗左傳作榘說文作樛皆一物也格物總論椿

梓爾雅註卽楸羣芳譜一名木王植於林諸木皆內拱造

之屋有此木則羣材皆不振木似桐葉小花紫陸璣以楸

梓之疏理白色而生子者爲梓賈思勰以白色有角者爲

楮梓或作梓種之爾雅楮一名楸今人以其皮青號曰青桐多近齋閣

白桐陳翥桐譜白花桐葉圓大尖長有角先花後葉花心

雅謂之榮桐

油桐本草油桐枝葉花幹並類岡桐而小花微紅實大而

槐本草按爾雅槐有數種葉大而黑者名懷槐晝合夜開

者本名守宮槐葉細而青綠者但謂之槐木材堅重花未

檀開時狀如米粒炒過煎水染甚鮮有黃白二種葉皆如槐皮青而澤體重而堅

皂莢一名皂角本草皂實多脂者佳樹多刺難上采時以

斤泥封之卽結篋籬其樹一夜自落不結實者鑿一孔入生鐵三五

肥皂莢潤勝於皂莢俗謂之肥珠和諸香作丸澡身去膩

榔蘇恭唐本草榔與水楊全不相似水楊葉圓潤而尖枝

條短硬榔葉狹長而青綠枝條長軟宋高一丈旁無枝葉如車輪皆萃於木杪其下有

櫻欄皮重疊裹之每皮一匝爲一節取以爲索極佳

鳥柏唐本草作鳥白陳藏器云又名鴟舅葉可染皂子可

桑邑中桑樹惟洲地最繁邑西養蠶家每於桑葉始生時

冬青一名萬年一名女貞木別有冬青與此同名今方書

柞凡燔柴取之

柞本草註此木堅韌可為鑿柄故俗名鑿子木

楮山海經郭註或作楮似柞子可食冬夏生作屋柱難腐

穀俗誤作株又有一種柞樹幹甚端偉四時常青亦良材

穀也按集韻柞唐何切音馱木葉落也檢諸書無以柞名

穀謂之草柞柞字或即柞音之轉方言異耳

穀山堂肆考楮一名穀枝條修聳葉刻缺而澁有毛幽州

膠為之金石之漆

花屬 為類二十八

桂花爾雅侵木桂格物叢話一名木犀花黃白紅紫不一

紫微俗名怕癢花樹身光滑又號猴刺脫葉對生一枝數

山茶高者丈許葉似茶葉厚硬有稜深冬開花郝經詩註

油茶山茶大者曰月丹又大者曰照殿紅

也今攸東柵民栽種成林樹枝葉皆類山茶秋末開白

壓油利較桐油更薄

木芙蓉八九月開花天高氣肅春意自如故有拒霜之名

梔子 葉似兔耳入夏開白花大如酒杯結實如訶子狀生青熟黃中仁深紅可染縉帛入藥用山梔子皮圓薄小如鵲腦

木槿 花如小葵五葉成一花朝開暮歛湖南北人家多植為籬籬

瑞香 卽楚辭所云露甲一名錦薰籠又名麝囊能損花宜另植

羊躑躅 一名黃杜鵑一名鬧羊花羊食其葉躑躅而死故名又有紅躑躅卽映山紅

繡毬 春月開花五瓣百花成朵團圓如毬花有紅白二種

南天燭 梅雨中開神白花結實枝頭赤紅如珊瑚成穗俗呼山黃芩

虎刺 四月內開細白花開時子猶未落花落結子紅如珊瑚俗呼繡針菱

茉莉 夏秋開小白花花皆暮開其香清婉女子以綵絲穿花心爲首飾

薔薇 一名刺紅藤多刺開時清馥可人又有一種野薔薇號爲野客

月季 一名長春一名月月紅一名鬪雪紅灌生青莖長蔓葉小如薔薇逐月開花四時不絕

金雀 高數尺一簇數葉花生葉旁色黃形尖旁開兩瓣勢如飛雀春初卽開采之滾湯入少鹽微焯可作茶品清供俗呼黃雀花

蘭蕙 蘭紫莖赤節綠葉一幹一花花時常在春初蕙似蘭葉差大一幹五七花花時常在夏秋間又建蘭盛於五月白幹花上出次四季次金邊名曰蘭其實皆蕙閩產爲佳攸城居喜蕙花今遂有花縣之號其實皆因他處採取而蕙花者利其值耳惟蘭花則以出北鄉者爲勝

魚子蘭 一名真珠蘭色紫蓓纍如珠花成穗香甚濃挿髻上其香遠聞

樹蘭 高丈餘花似魚子蘭香烈過之五葉者貴其花不落香且久

菊 古作鞠有黃白二種以黃爲正前賢譜之者多至數十種

雞冠 佛書謂之波羅奢花又汴中謂之洗手花

剪春羅

二月生苗高尺餘葉對生泡莖入夏開花深紅色

玉簪

二月生苗葉大如掌六月抽莖莖上有細葉中出

鳳仙

花頭翅尾足具翹然如鳳狀女人採其花葉包染指

萱

一日諼草葉如蒲蒜五月抽莖開花朝開暮焉秋深乃

牽牛

俗名喇叭花日出開日西萎浸水染果成絳色一名

水仙

單瓣者為金盞銀臺千瓣者名玉玲瓏

棉花

有草木二種交趾有木棉樹高丈餘邑中所種則草

裂中綻出如綿邑山上為山花洲上為土花自洞庭西

卉屬為類十二

茅

似白茅而長黃茅似管茅可為索綯古名黃菅香茅

名菁茅一名瑤茅莖茅叢生葉大如蒲長六七尺節芒

蔡葉

包米粽一名蔡葉南人取葉作笠及裹茶鹽

芭蕉

羣雅蕉不落葉一葉舒則一葉焦故謂之蕉

鳳尾蕉

羣芳譜一名番蕉能辟火患此蕉產於鐵山如少

茂而生子分種易活

車前

即芣苢好生道邊江東呼為蝦蟆衣幽州謂之牛舌

藍

羣雅染草也即今大葉冬藍為澱者是鄭樵通志蓼藍

蓼

韓保昇本草重註有青蓼香蓼水蓼馬蓼紫蓼赤蓼木

三白草

陳藏器本草拾遺此草初生無白入夏葉端半白

菖蒲

呂氏春秋冬至後五十七日菖蒲始生於是始耕本

吉祥草 羣芳譜不拘水土石上俱可種開花則家有喜慶

苧麻 陸璣詩疏苧一科數十莖宿根在土中至春自生荆揚間歲三刈邑山民近來栽種甚廣即城中隙地亦然但只供販運未嘗漚麻緝布

烟草 陳湔子花鏡一名浚巴姑葉大於菜開紫白細花葉老曝乾細切如線人喜其烟而呼之今邑中山產者為山烟洲地產者為洲烟惟低洲最良或作薦本作菸

藥屬 為類二十九

五加 楊慎丹鉛錄作五佳云一枝五葉者佳本草五葉交加者良故名五加

烏藥 本草吳楚山中極多人以為薪根葉皆有香氣

枳實枳殼 蘇頌圖經本草枳如橘而小葉如橙多刺春生花秋成實七八月采者為實九十月采者為殼

地榆 似榆而長初生布地故名其花子紫黑色如豉故又名玉豉

荆芥 吳氏本草假蘇一名荆芥葉似落藜而細

紫蘇 味辛如桂爾雅謂之桂荏收子打油燃燈甚明或熬之以油器物

薄荷 蘇軾物類相感志收薄荷須隔夜以糞水澆之雨後刈收則性涼不爾不涼也

艾 莖類蒿背白以苗短者為良一名炙草博物志削冰令圓舉以向日以艾承其影則得火故爾雅曰艾冰臺

青蒿 葉似茵陳蒿而背不白俗呼仙蒿管

益母 爾雅萑葍註今芡葍也方莖白華華生節間又名益母

麥門冬 本草註麥鬚曰麥此草根似麥有鬚葉如韭凌冬不凋故謂之麥冬冬俗作門冬便於字也

半夏 禮記月令五月半夏生蓋當夏之半故名

天門冬 本草註此草蔓茂功同麥門冬故曰天門冬或曰天棘因其細葉有細棘俗名萬歲藤又名婆羅樹

何首烏 有赤白二種赤者雄白者雌此藥本名交藤因何首烏服而得各

藿香

〔本草〕方莖有節中虛葉微似茄葉

香附子

〔羣芳譜〕莎草根也一名草附子一名侯莎一名夫須一名地毛

栝樓

〔本草〕蔓生附木其根作粉白如雪故謂之天花粉

金銀藤

〔羣芳譜〕一名忍冬一名密桶藤附樹延蔓三四月後開花不絕初開蕊瓣俱白經二三日則變黃新舊相參黃白相映故名金銀花

沙參

〔吳氏本草〕二月生苗如葵葉色青根白實如芥本草根多白汁又呼為羊婆奶

黃精

一名仙人餘糧一名垂珠一名菟竹俗名野生薑九蒸九曝可以代糧

元參

葉似脂麻對生細莖青紫色二月生苗七月開花八月結子

丹參

〔蕭炳四聲本草〕丹參治風軟脚可逐奔馬故名奔馬草

前胡

〔本草〕前胡有數種以根皮黑肉白有香氣為真

山薑

葉似薑花赤性辛子似草荳蔻根如杜若及高良薑

菜耳

〔卽今蒼耳一名野茄〕陸璣詩疏白花細莖蔓生可煮為茹四月生子如婦人耳中瑤或謂之耳瑤草

沒竹葉

春生苗高數寸根一葉數十鬚鬚上結子與麥門冬同但堅硬耳

木通

〔本草註〕有細孔兩頭皆通故名通草〔圖經本草〕云夏秋開紫白花實如小木瓜陳士良所謂梓校子也

白芷

本草一名芳香一名澤芬出白茅洲等處

石韋

多生陰崖險縲葉長者近尺濶寸餘柔韌如皮冬不凋

骨碎補

〔日華本草〕是樹上寄生草根似薑而細長

石屬

為類四

滑石

〔本草註〕性滑利竅質又滑膩故名邑東漕溪有滑石山

石鍾乳

〔本草註〕石之津氣鍾聚成乳滴溜成石故名

石灰

有風化水化二種風化取煨石置風中自解水化以

煤

邑東昭村等處及邑西陰山港內並產煤販運及他邑

鱗介屬 為類九

鯉魚

雖雅此今之賴鯉也神農書鯉為魚王以盤水養之

鯽魚

與鯉魚皆不待畜而滋他如鯉鱮青草諸魚養魚家

每於立夏前後往衡山雷家市販魚苗畜之六七月出

鱒魚

有青黃二色鱒魚今泥鱒生下田淺渚中二物皆供

龍旋魚

舊志出縣東羅浮江各羅浮魚長四五寸形似草

時頗瘦沿流覓食至五月初始返俗以此魚抵酒舖江

龜

本草甲蟲三百六十神龜為之長形象離其神在坎其

息以耳春夏出蟄說甲秋冬藏穴導引故靈而多壽邑

龍

一名團魚一名神守一名河伯從事無耳以日為聽純

日而轉在水中上有浮沫人以此取之

蚌

即蜃也本草註與蛤同類異形長口蚌圓曰蛤

羸

本草蚌屬其殼旋文其肉視月盈虧王充云月毀於天

穿山甲

陸祚蕃粵西偶記形如鎧甲穴石透山如履平陸

物小力強惟食蟻蠹伯溫鄙事多能油籠滲漏削甲裹

羽毛屬 為類二十六

鷺

一名鷺鷥一名絲禽一名雪客爾雅註頭翅背上皆有

長翰毛江東人取以為毳攤名白鷺縲陸璣詩疏頭上

有長毛十數枚長尺餘純然與鷩毛異其取魚時則

鷩 雅鷩屬鷩好沒鷩好浮故鷩一名漚 倉頡解詁鷩

鷩 也今鷩一名水鷩形色似白鷩而羣飛

鷩鷩 一名水老鷩又名烏鬼鷩曲如鈞食魚

雉 寇宗奭本草行義雉飛若矢一往墮地故字從矢今人

取其尾置舟車上欲其速也漢呂后名雉高祖改雉為

野雞其實雞類也

百舌 山堂肆考百舌又名反舌蒼毛尖嘴形小如鷓鴣二

三月鳴至五月無聲亦候鳥也一名望春江南人謂

之喚春

竹雞 本草竹雞多居竹林性好啼見其雋必鬪捕者以媒

誘其鬪因而網之好食蟻亦辟壁虱自呼泥滑滑

鴿 本草行義凡鳥皆雌乘雌此獨雌乘雄故其性淫韻會

唐明皇時鴿為飛奴今邑人多養鴿其毛色品第最多

雀 崔豹古今註雀一名嘉賓言常棲集人家如嘉賓也本

草俗呼老而斑者為麻雀雀小而黃口為黃雀

斑鳩 則屏透其匹晴則呼之語曰天將雨鳩逐婦是也

鳩 爾雅註今之布穀江東呼為獲穀

鳩 雄飛鳴以翼相排不自為巢居鵲之成巢哺子朝自

割而麥插禾脫却破袴之類皆因其鳴時可為農候

鴝 方以智通雅鴝然別名姑惡夏小正作鷓詩疏作博勞爾

鴝鴝字書謂之唼唼鳥又一名八哥五月五日剪其舌端使

舌可使人語伯勞守金人不能取

斷木 爾雅註口如錐長數寸常斷樹食虫因名

爾雅此鳥善為禁法能曲爪畫地為印則穴之塞自開飛輒以

鳥鴉 孔鮒小爾雅純黑而反哺者謂之慈鳥小而腹下白

鴉經以占吉凶南人喜鴉惡鴉北人反之師曠以白項

者為不祥亦作鴉

女孫志 卷五十二物產

攸縣志卷五十三

知縣事 建水趙勤纂修
仁和萬在衡

祥異

至治馨香不侈符瑞太和翔洽何有履災彼紫鳳文
騶祥於人而非祥於物即烈風淫雨異者暫而不異
者常是故上康樂安平為一書表休徵靈貺於五德
馴至義門與族共乳同巢瑞麥嘉禾雙歧合頡則祥
乃無異斯異亦成祥固宜續往牒而殊觀訂新編以
著信志祥異

祥

明

嘉靖乙巳年十一月文昌祠桂樹異幹連枝

隆慶己巳年儒學西文昌祠舊有香花樹四株其一

異幹連枝

萬歷丁丑年六月天雨黑黍拾得者杵而食之

萬歷戊寅年三月學宮桂樹吐花次年鄉舉四人

皇清

康熙庚申年四月野穀旅生

雍正丙午年八月學宮泮池產靈芝是年鄉舉七人

異

晉

咸康元年八月大水田廬蕩壞

明

宏治乙酉大饑

正德丙寅大饑

嘉靖乙丑七月大水冒城田廬蕩壞

嘉靖辛卯四月大水壞民田舍溺男女無算

嘉靖庚子大水漂沒人民無算

嘉靖乙巳夏大饑

隆慶己巳冬十一月河池皆冰魚凍斃

萬歷丙戌四月鳳山下出蛟壞田千畝漂民居三千

餘家

天啟甲子大饑

鄉紳劉泉倡士民之積穀者施粥通衢

崇正庚午年地震

崇正辛巳大饑

邑紳士施粥

崇正壬午九月大雷電

皇清

順治丁亥六月初一日大水漂沒廬舍人畜是年大

饑民食地苗

順治庚寅三月雨雹

順治壬辰七月星隕有聲如雷光如白晝

順治丙申大水漂沒廬舍禾稼

康熙癸卯七月大水漂沒禾稼

康熙戊申二月下旬長星見

康熙庚戌二月不雨至五月冬大雪河池皆冰

康熙甲寅春雨至夏六月

康熙乙卯五月長星見

康熙庚申大饑知縣張潛捐米施粥四十日

康熙甲子二月初一至初三日中見斗

康熙癸未旱大饑

紳士陳治人劉世埭劉洪珠陳五王余家駒劉世坡陳爲鴻劉慧珠

陳為陽劉其濤唐德謙劉士增余選謝捐米於
邑厲壇施粥濟荒

康熙甲申大饑紳士陳待詔胡爾蒸易起光蔡旭向
文程謝士鉉陳耀宗捐米於城隍廟

施粥
齊荒

康熙乙酉天疫流行人民多病

康熙癸巳五月十三大水入城是歲饑

雍正丁未大饑

乾隆壬戌仲夏大旱六月十五驟雨不止是夜大水

暴至民載舟入市環城內外屋舍漂沒無數各鄉

田宅衝破尤甚十六水退是年饑知縣塗延年捐
米於北城證果

寺施粥生員朱世榮捐
米城隍廟施粥一月

乾隆癸亥饑夏民間乏食紳士朱世榮劉應清陳應
餘胡一鶚周肇盛袁映西

蕭西獻雷羣占陳季俊陳雲安共十人各捐米
費銀六十三兩四錢五分零設廠北城證果寺

施粥余潮譚聖樞涂贊劉傳唐承珠王坦登
胡一泰陳兆星彭廷獻胡岸劉昌言歐陽命樞

劉勤光余澤共十門人各捐米費銀五十兩一
錢九分零設廠南城忠烈祠施粥知縣馮運棟

詳憲各給惠周梓里匾額

乾隆乙酉大饑

乾隆甲辰大水

乾隆丙午大旱

嘉慶己巳大水

耆壽

明

陳廷環

蔡堯春

蔡統

洪閏

洪拱

陳詞

劉文

虞體佳

洪庠

譚錦

譚朝恩

周仲鸞

文勳

文珍

文本富

皇清

生員劉世埏

生員劉拱珠

陳治卓

生員劉士達

陳治鐸

劉來壩

以上俱八十以上

恩賞頂帶榮身

鄧朝侯

劉樹楷

李士瑾

歐陽世賓

劉大基

陳其煥

龔仲蘭

單彰教
陳其大

李家才

韓燕方

陳開選

劉德安

鄧俊英

董盛寵

王崙齡

文承劬

文承烜

易永澤

王鳳任

董盛高

文德高

謝世昇

劉本源

譚際符

文承序

蔡尹
琴玉

劉茲道

蔡貽暉
洪如鵬

曾玉珍

文自傳

彭迪德

以上嘉慶初年

恩賞頂帶榮身

三世同堂

王命卿庠生年八十歲子五長承圖次庠生大魁次

承章次庠生大勇大烈孫十五長庠生瓚次庠生文

翰次家源家鼎家漳次庠生家蔚次家祥家蕙家祁

家沅家芹家芷家社家芳家蘭曾孫四繩謨貽謨權

謨兆謨元孫二啟訓啟誥五世同堂乾隆五十五年

題 旌建坊賞給綵娛大耄匾額銀八兩緞一疋

鄧魁章年九十七歲子二大玠大琚孫十一瑞麟儒

麟春麟亨麟秋麟時麟孔麟玉麟申麟中麟栢麟曾

孫九祥鳳祥瑄祥宦祥雲祥鸞祥恭祥霞祥露祥安

鹽生光祖四光積五光龍孫四培翼培翰培犇培輝
曾孫一錫洪元孫一鴻福五世同堂乾隆五十七年
題 旌建坊賞給綵娛大耄匾額銀八兩綵緞一疋

蕭氏李成星妻生於康熙三十三年至乾隆四十九
年一百零一歲孫曾繞膝五世同堂題 旌建坊額
曰貞壽之門

恩賞大緞一疋銀十兩建坊銀三十兩該氏六子第四子
名銘第六子名鉉均壽躋耄耄嘉慶元年報案給頂
帶榮身

吳氏丁作灝妻職員文益文爲文華文宰之母身事
祖姑翁姑目見孫十五人曾孫五十餘人元孫十餘
人嘉慶二年報案奉 頒七葉衍祥匾額并緞疋銀
兩年九十四卒

譚氏丁作渤妻職員文冊文元之母身事祖姑翁姑
目見孫八人曾孫二十餘人元孫四人嘉慶四年舉
報奉 頒七葉衍祥匾額並緞疋銀兩年九十三年卒
丁氏監生劉樹璵妻翁年邁患痺與夫奉湯藥衣不
解帶子大燁監生孫八之采監生之亮庠生曾孫十
二元孫二五世同堂年八十七卒
湯氏職員劉文錦妻文錦孝於父母氏克盡婦職目
擊五代孫曾繁衍年八十三卒
王氏王作楫妻事兩世翁姑以孝聞曾元繞膝列膠
庠者數人親見七代壽九十九歲

王氏彭世昂妻上事兩世舅姑下逮曾元親見七代
世昂年踰八十氏年至九十八邑令張以額獎之
譚氏楊扶青妻翁姑早逝事嫂如姑以勤儉持家嘗
誦敬姜勞逸論以勗子婦目擊五代年九十七卒
余氏處士尹國祥妻年登百歲于四人蓋臣選臣功
臣自天孫四人家鳳龍貴桂蕊曾華曾孫四人測禮
宇山忠朝和萬元孫四人明中永岳德濟學孟五世
同堂

張氏監生蔡文授妻子六際雲附貢際盛輝萼俱庠
生逢禧際豐俱監生際美職員孫十八鳳翥大允中

先俱職員先壽先裕先祐先祚先亨先祐篤周俱監
生先蔚先杰先福先文先成先召鶴齡先駒曾孫二
十系臧用臧心臧厥臧式臧謀臧偕臧而臧本臧我
臧其臧足臧音臧壽臧樂臧傳臧繼臧志臧爲臧見
臧元孫八昌言嘉言蘭言德言孔言道言法言要言
氏上事祖姑翁姑親見七代五世同堂年九十二卒
譚氏楊松桃妻子四永仁永義監生永瑞職員永智
孫五際可煥章俱庠生際亨監生際隆際盛曾孫九
光甲光第光鼎光南光朝光道光楚光漢光文元孫
二瑞開祥開氏上事祖姑翁姑親見七代五世同堂

年九十五卒

尹氏進士文承運妻子一自雋孫四舒謨舒訓舒詵
舒詔曾孫六世榮世華世興世選世澤世法元孫四
植林植森植材植松氏上事祖姑翁姑親見七代五
世同堂年八十六卒

王氏劉兆煥妻子五啟仁啟進啟達啟遠啟遜孫十
七文德文政文教文標文模文樞文懋文思文憲文
悉文明文蛟文星文郁文範文蔚文華曾孫五十餘
光謙光讓光誼光詒光訓光誥光詔光謀光譁光泰
光邦光榮光倬光逾光選光遴光福光祿光壽光冊

光緒光族光燾光珠元孫四煥毓煥敦煥冕煥旻氏
上事祖姑下逮曾元親見七代五世同堂年九十六
卒

賀氏歐陽文治妻子一光典監生孫五發言發交監
生發應發慶發齊會孫七輝桂輝林輝榜輝樹輝梧
輝本輝杓元孫一永烈五世同堂年八十歲

任氏職貞羅先正妻壽屆百齡五世同堂子世璋世
瑞俱貢生世琳職員世珍世琇庠生孫文雅歲貢乾
隆庚戌題旌坊建長沙府學側顏曰貞壽之門

蕭氏處士劉山輝妻生員蕭光第之女事翁姑孝相
夫子敬中年夫亡撐持門戶躬勤紡績教子成立族
里咸以賢稱子增克增昌增榮增成增新孫宗彥宗
翰宗瑚宗環宗璣宗瑾宗璨宗貴宗璨宗儒會孫元
緒芳緒文緒鍾緒元孫士魁五世同堂現年八十歲
陳氏文自亮妻子二人舒璋舒珮俱職員孫四人世
騏世錦世鰲世富會孫四人植槐植椀植模植楠元
孫一人忠浚五世同堂現年七十八歲

黃氏監生周劉榮妻子道立監生封儒林郎孫中規
廩貢生封儒林郎曾孫傳禮州同傳樂貢生元孫芳

蓮芳達五世同堂壽八十四

續增攸縣志卷五十三

權知攸縣事溧陽潘礪襄纂修

祥異

祥

道光戊子北城外有元鳥數萬飛集蓮塘三日不去
傾城觀者如堵地方官設香案致祭自後甲榜聯登
識者知爲祥瑞

異

道光丙戌六月二十五大雨三日鄆縣出蛟二十七
大水卒至城內水深七尺漂沒人民數千衙內倉廩

止屏盡行倒榻衝壞田畝廬舍甚多知縣夏國琦詳報康撫軍及藩憲鹽道憲俱親臨踏看復委辰沅道前知攸縣事蔣紹宗往鄉履勘而夏令竟以勞瘁卒先是五月二十七夜月孛星現隱隱有聲識者憂之至是果驗

道光甲午夏五月大飢斗米五百城鄉沟沟幾於搶劫邑紳借領倉穀二千石減價發糶並勸各富戶大店墊捐錢二千串往衡湘運米平價接濟六月初早稻登場人心始安是年大熟

五世同堂

劉家駒監生年八十二歲妻田氏現年八十二歲事祖高桂祖母周氏父漢藻母王氏生子三長聲潔庠生次聲濤三聲涵職員孫十四自敞自敬自枚自漱自放自致自敷自敷邑庠生自政自璫自敷自敦自敷自敏曾孫二十克緒克繕克紉克綜克綬克絢克綸克綵克約克緯克組克誠克讓克謨克誥克訓克諧克寬克安克宗元孫一昌榕親見七代五世同堂道光十六年旌表賞給七葉衍祥匾額頒以緞疋譚大元庠生例授武略騎尉年八十六歲子四長章

錦增生次恩錫庠生三章甫監生四章琢貢生孫十
三長國琦增生國珍監生國政國琳監生國敏國本
監生國治監生國善國儀國掄庠生國衛國彥國碩
會孫十一祚明祚昂祚讓祚旭祚因祚徵祚增祚尊
祚晉祚清祚新元孫士祿五世同堂道光十二年題
請 旌建坊賞給七葉衍祥匾額銀八兩緞一疋
陳其煥壽官年一百有六生雍正己巳至道光庚寅
卒嘉慶初年 恩賜頂戴榮身生子五宏爵職員宏
爰宏孚宏受職員宏爲孫二十二先峻先暉先晰先
暉先昭先暎先暉先昕先呢先啟先映先暉先

曙先晒先皖先時先曜先晒先咏先暎先暉會孫三
十三嵩猷崇猷岩猷頓猷嶠猷嶠猷嶠猷嶠猷嶠猷
峒猷岫猷嶸猷峒猷嶸猷嶸猷嶸猷嶸猷嶸猷嶸猷嶸猷
業猷峒猷嶸猷嶸猷嶸猷嶸猷嶸猷嶸猷嶸猷嶸猷嶸猷
嶸猷嶸猷嶸猷嶸猷嶸猷嶸猷嶸猷嶸猷嶸猷嶸猷嶸猷
經五世同堂並與長男宏爵均得親見七代年逾百
齡題請 旌表給與昇平人瑞七葉衍祥匾額建坊
緞疋銀兩

譚氏龍富祚之妻年九十歲生子五來仁監生來義
來智來榮來華孫六自騰自揚自勝自發自光自榜

曾孫十永祺永祥永禕永裕永祿永祗永祜永桂永
楊永年元孫四文新章新亦新亮新五世同堂

皮氏監生洪開適之妻現年九十四歲上事祖翁七
年事祖姑十五年事翁姑四十年夫婦齊眉七十四
年下逮生子七文謨職員文謀職員文訂職員文詠
監生文讚職員文評監生文詔業儒孫三十八日運
月運奎運金運星運斗運角運叙運承運圭運深運
榮運翼運天運謙運利運仕運俊運棠文庠棣文庠
漢運濟運濬運淑運清運源運基運治運臨運甲運
授運建運敏文庠藻運敦運岳運備運景運曾孫四

十五世科序科滙科同科鱗科丙科聯科夏科尙科
関科作科培科宜科定科軻科輔科經科遠科陞科
芳科繼賢巍科峻科崧科崇科崑科正科占科成科
元科武科鼎科當科先科本科才科德科儒科新科
亞科惠科疊科烈科預科載科元孫二國第癸第親
見七代五世同堂現行請 旌表建坊

攸縣志卷五十四

雜識

粵自葛洪西京之書時存新語隣幾嘉佑之集間綴
瑣言錄遠而其跡能詳非濫觴乎襍俎述今而於情
不謬亦啟秘於青箱是故文徵刈稻地本瑯琊之區
事紀沅觴人傳水心之劍彼多見而識者固雜而不
越也志雜識

明

彭澤字民望詩得唐人家法茶陵李文正公賞其淵

知縣事

建水趙
仁和萬在
勳
纂修

明圖幽花枯樺亭諸什惜不自貴重多不存稿文正公輯而藏之僅百餘篇頗以爲恨又與民望聯句幾二百首爲別錄既久失去後爲同縣易庶常舒誥錄得之文正歎曰民望之詩真有不容泯者又曰民望始見予詩雖時有賞歎似未犁然當其意及矢志歸湘得予所寄詩曰斫地哀歌興未闌歸來長缺尙傾彈秋風布褐衣猶短夜雨江湖夢亦寒黯然不樂至木葉下時驚歲晚人情閱盡見交難長安旅食淹留地慟愧先生苜蓿盤乃潛然淚下長歌數十遍不休謂其子曰西涯所造一至此乎恨不得尊酒重與論

明

敗亡於陣子全及邑人王夢應吳希奭俱附丞相忠義傳而可觀等竟佚其名可見當時忠義湮沒不少

叅政龍誥解組歸經九江壩有一人欲寄舟涉楚舟子弗應次日復然誥見其狀貌瑰偉詢其姓曰甘氏詢何徃曰適長沙因寄焉踰月泊舟長沙遂不見時誥尙未抵家邑中忽有人狂呼於市曰我吳甘寧也寄叅政龍誥舟來當廟食於彼邑人大駭及誥歸悟其故廼捐貲建廟於東城內祀之初工尙像不得夜夢甘現身以示狀如誥因塑像入廟時嘉靖二十九年六月六日也是日誥無疾逝彭澤字民望詩得唐人家法茶陵李文正公賞其淵

明圖幽花桔槔亭諸什惜不自貴重多不存稿文正公輯而藏之僅百餘篇頗以爲恨又與民望聯句幾二百首爲別錄既久失去後爲同縣易庶常舒誥錄得之文正歎曰民望之詩真不容泯者又曰民望始見予詩雖時有賞歎似未犁然當其意及矢志歸湘得予所寄詩曰斫地哀歌興未闌歸來長缺尙須彈秋風布褐衣猶短夜雨江湖夢亦寒黯然不樂至木葉下時驚歲晚人情閱盡見交難長安旅食淹留地慚愧先生苜蓿盤乃潛然淚下長歌數十遍不休謂其子曰西涯所造一至此乎恨不得尊酒重與論

文耳自是不閱歲卒

蔡思穆號熙垣官巡城御史時不避權貴嘗夜遇少年子於西四牌樓氣張甚將加以法詰之則某宗室也事聞於上賜以殿中執法四字明季張獻忠黨所過焚掠此額獨存灰燼中

王三命字對名沉深好學與江夏熊廷弼爲莫逆交熊未第時會寓攸邑王延至家塾訓子每赴武昌秋試同舟唱和熊會手書龍階尺木四字贈王筆力蒼勁其額至今猶存後熊經畧東北賦鴻鴈來賓詩寄

王詩見舊志

吉安劉渤字巨溟會讀書攸司空山夢張真人執其
手書方輿二字且以心印語之曰後當記憶取吾溫
泉水服之崇正己卯中江西鄉試第一人壬午再北
上病篤不果行又夢真人爲之嘘拂三日使人自攸
得水飲之果霍然起其後越二年巨溟亦不知所
往

洪璜字奉江嘗集古次馮海粟梅花百詠原韻憶梅
云故園東望路漫漫遙憶枝頭料峭寒自恐跡孤無
與對吟人瘦倚曲闌干夢梅云宿雨懨懨睡起遲冰
魂常與此心期醒來却憶尋花處野水晴山雪後時

友梅云家是江南友是蘭梅花於我最相謹人生離
合閑交誼珍重清香爲歲寒寄梅云未有瓊琚報好
音相思春水若爲深却憐迢遞南來使片片梅花片
片心驅使古句如出己手

劉宏化攸縣人寄籍長沙衛長沙縣志云劉宏化墓
在飛來橋康熙中湘潭庠生羅仙夜夢明衣冠人來
謁曰我明人劉宏化也以墓見託詰旦聞飛來橋有
墓爲盜所發仙素服往哭鳴之官置盜於法爲修其
墓考湖廣通志劉宏化爲南大理卿請減長沙例外
派銀五千餘兩潭人至今懷之而飛來橋今在湘潭

其墓現存或長沙衛改屬湘潭羅生所居卽其地歟
存以俟考省志云

鍾妖人自名洞雲結菴邑東芙蓉寨以佛教聚徒著
妖言成帙煽惑遠近他郡來謁者不憚數百里積金
不貲一夕風雷大作電火自窓櫺飛入旋其身膚骨
盡裂其徒競分所有散去

攸邑山中產蕨正二月間苗初生如小兒拳可供蔬
食饑歲山民掘其根搗爲粉入釜煮成團充饑明初

彭方伯友信有烏糯歌卽蕨根也歌曰天歷二祀千
里赤雷令不頒老龍蟄深潭大澤禱不售輒向首陽
最高覓翻然覓得蟄龍鬚斬斫持歸聊足食金刀石
杵爛玉脂瑤甕銀缸取瓊液鼎鑄百煉紫霜丸水晶
明潤葡萄碧初服便覺回垢顏再嚙清風健雙翼泰
山空傳松有苓華井徒誇藕如蜜紫芝朱草不救饑
甘露醴泉竟何益天生靈物固自奇誰與耕耘誰與
植萬人采采爭後先青山不問囊中錢嗚呼我生知
有命在天凶荒得此成豐年

皇清

康熙二十三年 大兵駐旄城外掘塹皆深丈許西門壕內得一瓦甕封蓋甚固啟視之色如石髓役夫數百人莫敢飲

邑有溫泉三處一在司空山一在縣東百三十里地名溫水一在鸞山地名煖水塘其水皆冬溫夏冷博物志凡水出石硫黃者溫卽瑛七修類藁溫湯是處有之然皆有硫黃氣惟黃山驪山者無腥焉蓋黃山朱砂泉驪山碧石泉也本草綱目出砒石處亦有溫湯浴之有毒此三泉皆可浴亦不甚作氣朱砂耶碧石耶其理不可得而知

水西流多出仙佛宋牧仲筠廊偶筆云黃梅志載邑有西流水三十餘里故歷代篤生五祖十三仙王西樵亦云萊子水皆西流故憶萊詩有溪水盡西流之句金元間邛劉等七真皆生其地攸水自鳳嶺而下至草市西流幾二百里漢蘓隱真人劉宗嚴起兄弟南齊張岳唐杉山皆於此修煉冲舉今邑中司空嚴仙明月諸山舊蹟猶存

鳳嶺鸞山以宋彭天益廷對著名鳳嶺山勢綿亘不絕而鸞山則矗起平原大和小鳩八峰九曲諸山圍繞如環諸生尹如金有詩云我愛鸞山好諸峰似城

繞君獨立其中俯視衆山小我愛鸞山好雙溪夾如
抱山水自年年山中人未老

黃藤根毒能殺人愚民每因小故以此輕生何孟春
餘冬叙錄謂之治葛一名斷腸草一名鉤吻以薤菜
澗其苗立時萎死食治葛者搗薤菜汁服之卽解又
如是我聞載解砒霜毒用防風一兩研末冷水調服
或用石青一兩亦效邑令裘晉出示曉諭

蕃薯形似山藥而短皮有紅白二種味香甘生熟皆
可食亦可釀酒周亮工閩小紀云萬歷中閩人賈呂
宋國其國有朱薯被野連山閩人截取其薯咫許種

之下地數日卽榮初入閩時值歲饑得是而足以度
日吳震方嶺南雜記云江浙亦甚多而賤皆從海舶
來者康熙三十八年粵中米價踴貴賴此以活攸邑
客民種以代糧近則土著之民盡種之清明前下種
四五月間剪其苗種土中無不活者秋雨多根益奮
盈立冬後掘藏地窖內稍不謹沾風雪卽潰或曝乾
或製粉尤佳

邑東漕溪山多藥物如山查荆芥天冬麥冬半夏旋
覆何首烏之類每年有藥客來次買土人因之獲利
中一山專產滑石謂之滑石嶺由滑石嶺而上有仙

子山相傳張司空嘗至此採藥其地與金仙觀接壤
又有道人胡古蟾於此仙去

距漕溪東北三里外有地名馬圍坪長約二里許橫
澗五之一相傳元明之際有張姓者得五雲駿馬一
匹腹下別生一肉足縛之可日行千里嘗牧於此坪
沒卽埋之因以爲名今坪中有巨堆卽馬墳也蓮花
廳賀持斗有詩云一犁烟雨正春初兩岸山雲覆草
廬駿馬今歸何處去空留白骨葬村墟

攸東鄉多山重巖複嶺延袤百餘里閩粵之民利其
土美結廬山上墾種幾徧南昌裴行恕令攸時有十
害十利之示剴切詳明邑人陳圭山行感賦云樵徑
人何密連延嶺上關

聖朝無曠土生事徧深山矮屋松杉外高畦雲霧間語音
半南粵任久不知還

附裴令告示

從來山川爲地氣所鍾關乎一縣風水人傑本於地
靈此通論也一經開挖高山變爲厓谷泄盡秀氣其
害一也山旣開挖草根皆爲鋤鬆遇雨浮土入田田
被沙壓其害二也甚且沙泥石塊漸冲漸多澗溪淤
塞水無來源田多苦旱其害三也河道爲天地自然

水利爲閤縣宣流通之氣各處小河旣經淤塞勢將沙石冲入大河節節成灘處處淺阻舊有陂塘或被冲壞沿河田畝或坍或壓其害四也山田灌蔭半藉筒車而安架筒車處所須相度水勢地形就便安放河不淤則水勢不改今被沙阻泥淤水則移東改西岸亦隨時坍塌今年安車之處明年卽屬無用又須改移他處多費人工其害五也樹木爲山皮毛古木老樹又爲民間房屋之用山旣開盡木皆砍伐卽如鳳嶺一帶傑寶人獻各鄉地處深山本縣曾至其處山上並無古木老樹非栽桐茶卽種苞穀必致將來

建屋無料艱於購辦其害六也柴薪爲日食所需山樹盡伐無從採取炊爨爲難其害七也墳塋禁護以妥先骸山旣開挖雖近塋未必敢侵而來龍護沙焉知不遭損傷其害八也山場旣給他人將來或缺墜地卽已相得陰陽又或在賃給挖種界內亦必爭言生事其害九也本地人民非親卽友偶有雀角可以理釋種山人大半閩粵氣類迥分一有爭訟交構難解其害十也如從此分別停止再不開挖利實不少山不虛設不旦旦戕之則材木不可勝用一利也年深日久樹大成材取其可備樑柱者爲建造之料不

必遠求他處二利也其餘或檢樹木茂密處酌量砍取質之他人三利也並擇寬敞向來荒僻處所多種松杉雜木十餘年後既可自用又可賣錢四利也先數年砍取東面山仍卽補種後數年再砍西面量爲趕栽源源而來可爲衣食之源五利也祖塋先塚旣不受戕後嗣亦安葬有地六利也依山傍坡高低田業沙土不淤水泉流注照常刈穫畝收數鍾七利也山峰永鎮地脉效靈讀書者得其秀務農者得其厚家給人足物阜財豐八利也溝洫陂塘山溪河路暢行無阻商販流通往來旣便有無相通九利也隣里往返多是鄉黨親友形跡旣忘爭訟自少不受胥差滋擾不煩官府譏訶十利也以上十害十利皆爾攸民至要至切在爾等祖先其初不過以並無關碍之山貪得小利今則追悔無及竟不能收回原業遂至無山不開業不由主實有不能挽回之苦此時惟有相機籌辦其家道稍裕山主知爲子孫計或宛轉向種山者說合收贖或於種山者出頂他人時卽從頂賃或臨時酌量另思良策總以不再開挖爲上再或邀約本處公正紳耆及保甲人等查明山場某至某處係已開某至某處係未開已開者不復禁止未開

者卽多種樹木斷不可再令開墾如此漸次挽救設法護衛庶幾合縣之山尙可十留二三而後世子孫常以此十害十利刻刻係念遞相挽回或可漸復舊規去其害而取其利焉爾等務各遵照示內各條各秉天良一體奉行其中最要者亦只數語總以已經開挖之山只許栽種樹木不准再事開墾並各荒山一例種樹不可仍前荒蕪至各都各鄉必有忠信正直通達道理之人務將此示反復思繹擇其善者行之如遇有生事者秉公勸阻勿令攸民客民兩有爭競藉一鄉之善士化導一隅之鄉愚本縣有厚望焉

乾隆甲辰縣東山中出蛟大坪山雞冠山等處陷成深穴巨石累累隨水湧出沿江田廬多被衝塌城中水深丈餘嘉慶己巳茶陵大水湊河橫流泛入攸縣其害不減甲辰兩次俱蒙大憲臨勘請賑按玉堂清話蛇雉相交遺卵入地爲蛟出殼之旬洪水飄蕩害於一方土人謂之發洪山水復沓之地尤宜預爲防檢前廉訪使周人驥有除蛟害告示附錄於此照得楚南襟山帶湖每多人畜田廬隨波漂沒近又報衡永等處出蛟聞之殊爲憫惻考之紀載得伐蛟之法蓋蛟以卵生數十年而起生蛟之地冬雪不住夏苗

不長鳥雀不集其土赤色其氣朝黃而暮黑夜視之
黑氣上冲干霄其卵入地自能動轉漸成地泉其形
既成聞雷聲漸起而上其地之色與氣亦漸顯而明
未起三月前遠聞其聲如秋蟬悶在手中而鳴又云
如醉人聲此時蛟能動不能飛可以掘而得及漸起
離地面三尺餘聲響漸大過數日一經雷雨穿山破
岸水逆潮湧而害不可勝言矣善識者在春夏之月
觀地之色與氣及未起二三月間掘土三五尺其卵
卽得其大如甕其圍至三尺餘先以不潔之物鎮之
多備利刀剖之其害遂絕又有說用鐵與犬血及婦

人不潔之衣埋其地以鎮之蓋蛟非龍引不起龍非
雷震不行鐵與穢物所以制之也又有說蛟畏金鼓
夜畏火夏月田間作金鼓聲以督農則蛟不起卽或
起而作波但見火光聞金鼓之聲其水勢必退又云
蛟畏荆樹蓋荆汁可以治蛇毒也又聞夏秋連日雨
夜則豎高桿掛一燈籠亦可避諸說頗近理論爲政
之大體自以修德行仁爲挽氣化彌災眚之本然爲
民父母之心無所不至不得不多方救濟以冀萬全
踵古人而行之或有補於萬一况職司民社有撫恤
之任明明有彌災之說豈有嫌其迂濶而靳傳布乎

故錄各說通行爲此仰府州官吏即便轉飭所屬將
伐蛟之說通行曉諭苟能伐得一蛟卽免無窮之害
縱不能全彌其患亦當竭盡此心慎勿視爲不經而
泛視也

彭湘南廷梅寓京師爲慎郡王上客有 賜園紀事
詩云高卧華軒慵起遲日移花影上牕時二三宦豎
輕傳語王到牀前自檢詩與湘潭陳恪勤公交好年
七十時過袁簡齋太史隨園卽席賦詩袁極賞其落
日紅未盡遙山青欲來之句又秦淮口占云秦淮河
畔亂沙汀芳草魂生六代青春去雨中人不惜杜鵑

啼與落花聽袁採入詩話

明經何本湛號月池性孤僻不諧於俗善飲工行草
書詩長於集唐一體有閒情雜詠集唐五律八首對
酒言懷集唐七律百首摘錄二章以見一斑五言云
四郊初雨歇一徑入雲斜野老茅爲屋山田飯有沙
涼風吹戶牖逸興滿烟霞莫謾愁沽酒前村酒可賒
七言云風波終日看人爭滯雨通宵又徹明心似百
花開未得情隨春浪去難平還將石溜調琴曲不向
山僧說姓名早晚煙村碧江畔紅霞映處鷓鴣鳴
邑中諸地名陳蘭莊學博輯爲偶語如一天風雨龍

王廟十里溪山馬子陂溫泉漱石冬猶煖冷水環洲
夏亦寒墨花潭上魚書至筆架山頭鴈字橫江背有
山皆繞郭水頭無地不栽麻行逢穀雨茶坊隴醉度
花朝酒舖江白眉廟近千峰對黃甲洲平二水分杜
口夕陽催客過田心早稻望秋登跨鶴仙歸當面觀
扶筇人到息心菴夜半仙登朝斗石春深人訪獻花
巖潭邊白浪堆牛腦嶺上晴雲落馬頭屬對頗工

康熙二十二年六月初十日府學牆外西邊居民劉
介拾得銅爵一有長沙府學字樣隨往拾爵處掘出
祭器共一百零五內銅鐘十二石磬一銅籩豆二十
二銅爵一係明崇正癸酉攸人叅政洪雲蒸捐置或
曰卽攸人劉世坡高學宮旁夜見神光燭燦因掘地
得祭器若干

江西張某妻朱氏康熙初寓居攸縣年二十寡居自
營一土室寢處其中嘗竟日不舉火嚴冬積草禦寒
歷三十九年卒之日火光繞室遠近嗟異邑令高暨
陳表其墓見一統志

嘉慶己巳夏六月十九攸被水官吏奉檄履勘至縣西十里地名橫壩下距陰山江口不遠見洲田衝塌處城址宛然其磚有徑尺厚逾寸者製甚古尙堅好四角周正委勘官試用縣長洲丁鍾因携磚一方將製爲硯而系以歌辭用昌黎石鼓歌韻其曰秦磚歌則沿邑舊志攸在始皇時爲陰山之誤不知攸與陰山在秦代卽各自爲縣此處或卽陰山城址亦未可遽定爲何代當云城磚歌爲是

攸縣志卷五十五

外紀

知縣事

建水趙

勳纂修

仁和萬在衡

蓋聞校書稱魯明紀石人踏歌在廳確徵屏女斯洞微所由著錄襍俎於以成編也又或一叟授冊於途中九烈染衣於柳下金箔之濡毫巧應都堂之列几奇逢凡他說所可徵悉咫聞所未逮採而輯之亦稗史緒餘焉耳志外紀

明

縣令杜庠蘓州吳縣人一日遊北仙觀憩殿上忽殿

角有聲覓之得石函丹書庠作詩云石室荒涼幾百
年石函猶鎖煉丹篇司空跨鶴歸何處惆悵空遺挿
劍泉

易檢討西泉舉宏治乙丑進士覆試前一夕上夢青
衣童子誦詩云魚無驚戲影鴉失舊棲枝及覆試御
河烟柳詩則西泉詩中第三聯也上驚異選入翰林
蔡承向字葵心生時父夢家塾懸聯云屋漏見天一
點文光射牛斗無耦句稍長就傳父示以夢中語卽
應聲云家貧徹骨幾行書債付兒孫後登賢書赴萬
歷戊戌會試榜發獲雋居停主人一書室扃閉多年

蛛網垂垂戶牖間詢知爲主人
小兒讀書處向強求
啟之入視壁上聯卽前語檢閱塵几遺稿入泮鄉會
墨皆在焉駭然汗下急鍵戶而出是夜疾作自知不
起遣急足歸里寄家人詩云藥不靈兮疾不瘳功名
事業兩皆休生前姓字標金榜死後文章付玉樓流
水落花隨我去夕陽芳草使人愁可憐子幼親年老
恨殺英雄不到頭發函時恐傷親心改親年老作妻
年少父開緘讀之怒觸而罷哀湘潭李尙書騰芳長
沙侍郎天合爲文悼之賻歸其喪
貢生劉仲達爲真定令到任指水明心人稱爲劉飲

或以養母乞歸居家嚴正有少婦患祟仲達詣其室
曰吾爲一家長有冤當禍我言訖怪隨之出至廳作
蝙蝠聲墮几案間形如蟬多足仲達擒之命家僮浮
巨觥飲而噉之怪遂絕見省志

皇清

龍氏劉克虞妻年十七忽迷所在數日得之橫塘瞿
瞿欲夢覺卽屏食強使啜日頃視饕殮多事耳飲之
茶則吸然精神充溢勤操作生二子歷二十餘年不
復憶一切食味見省志

賀氏名綠嬌明經瓊珠之女幼好吟咏年十七許字

文某未嫁而殞同懷兄對颺搜其遺草有讀海詩云
侵晨人盡起憐爾最便娟好誦靈光賦莫忘秋水篇
柳應難作綫榆喜可爲錢料理晴牕事光陰勝去年
清明日聞諸兄試畢將歸有作云嶺外人家半踏青
一年一度喜重經天涯尙有_以歸客芳草萋萋雨不
停感燕云底事秋來燕語頻烏衣國裏認前身明年
社日_重相見記取粧樓舊主人他如隔岸柳開黃鳥
路沿溪人訪白鷗家暗調脂粉羞巾幘閱演圖書繕
性情皆佳句也沒後粧閣中如聞吟咏聲三載乃已
陳述祥字研溪博學績文言笑不苟病革時晨起家

人環立忽夢人引至闕聖帝前示以本日午時當別
世及日中端坐而逝姪孫惠以詩哭之云理數難窮
際文章歷劫年三冬勤苦志萬古寂寥天浩氣還冲
斗元精豈散烟恍疑書榻畔片語會真詮

蔡鴻謀字狷甫幼穎嗜學一過成誦六經外旁通子
史及數學嘗自推演告諸父曰兒年十九邑試名第
九郡試名十九及縣試名符郡數府試名符邑數志
其院試屈歸疾作夢書葉字於後園上自知不起因
爲胞弟培華啟蒙手抄曠响嘯太史文稿付之擲筆
而逝乃知葉字之夢告以二十棄世也父緘其遺篋

不忍啟母侯氏哭幾喪明其祖文燦哭之慟歲餘卒
張首魁邑文學家駿之子祖夢徵鄉試歸夢一大首
上書魁字竊意登第兆不驗越數日生孫遂以名之
年十二祖父俱見背從孝廉洪吉遊工詩文有春日
感懷集唐句云浮生閒過日將日世事如聞風裏風
可惜年光飛似箭豈知天道曲如弓人稱其屬對精
工洪曰此子聰明過人恐年不承後果夭

劉氏歐陽命申妻孝廉夢龍祖母也幼事佛每朔望
誦觀音經一千遍年七十遭病水漿不入口者數日
醫決其不起氏夢遊本里古刹慕雲菴遇老婦手攜

竹藍曰汝渴乎曰然遂飲以酒驚覺爽甚清香撲鼻
尋愈享年八十餘

乾隆初年有道士日行市中年約四十餘踪跡詭秘
人罕能測口占云七箇猿猴共一欄銅墻鐵壁那能
闕有人關得猿猴信要做神仙也不難居月餘後不
知所之

康熙某年北門劉氏少年子畜一驢每出人藉以代
步少年暴卒驢繞屋長鳴殉於靈前邑令張潛爲作
義驢記伐石表其塚見省志

劉映蘭生之日父夢一瞿曇托鉢於庭手捧蓮花授
之是午映蘭生稍長父爲擇配不從弱冠後長齋嘗
夢至一招提扣木魚誦經身披袈裟戴毘盧隨有二
僧引躡雲梯忽遽然覺竟奉佛以終

何本仁家貧以農爲業父家珠病膈食年餘醫不效
本仁禱神割股一片以進父頓愈遂茹素終身

張光漢性至孝兄弟二人傭作母歐陽病稍間饑甚
呼肉漢引刀剗右膊肉一片以進旋昏憤欲絕忽空
中有人含水噴之遂豁然如故今母壽八十創痕猶

尹兆楨年三十時因母病遂長齋禱神徧謁名山歷
十餘載後父母俱以壽終

周芳異少孤事母孝母病垂危朝夕侍湯藥修見金甲神自牕入持刃刺其母芳驚撲地及甦母病若失詢之似有物搥其胸汗出遂清醒云

秋蟬武昌人逸其姓夫羅季兒蕩子也康熙戊午大饑有豪某自京歸誘其夫執役挾以俱在心艷秋蟬欲私之不從某窘辱之秋蟬憤極自裁季兒持刀索其不獲亦自殺攸人士弔以詩陳天放爲立傳見府志

邑北鄉村毗董元保忽爲風吹去七日墮雲南一寺中十年後遇袁州人始得相隨歸家時康熙三十五年也邑明經蔡來徵作詩紀其事

邑城隍廟道士起雲於暑月下見一金甲神像袍笏儼然端拱立於東方空中狀若壽亭侯光彩射目於時惶遽伏地不敢飾視起雲工繪事解琴理每有佳釀招韻士劇飲爲歡自是越二年道士亦亡見府志康熙甲寅歲前邑中有烏無算自西南來鼓翼蔽日如雲如雷散落山村半屬湖雁杜工部詩云是物闕兵氣不數年有吳逆之變見府志

